

Lawatan Kerja Rasmi Dato' Haji Rosli bin Isa, Ketua Setiausaha Kementerian Tenaga dan Sumber Asli (KeTSA) ke Institut Tanah dan Ukur Negara (INSTUN)

23 Ogos - YBhg. Dato' Haji Rosli bin Isa, Ketua Setiausaha Kementerian Tenaga dan Sumber Asli (KeTSA) telah mengadakan lawatan kerja rasmi ke Institut Tanah dan Ukur Negara (INSTUN). Tujuan lawatan ini diadakan adalah untuk memberi pendedahan yang lebih meluas kepada YBhg. Dato' KSU bagi memahami fungsi dan objektif penubuhan institut ini sebagai pusat kecemerlangan dan pembangunan kompetensi dalam bidang pentadbiran tanah, ukur dan pemetaan serta teknologi maklumat yang berkaitan. Lawatan ini turut dihadiri:

YBrs. Tuan Abdul Wahid bin Abu Salim,
Timbalan Ketua Setiausaha (Sumber Asli),
Kementerian Tenaga dan Sumber Asli (KeTSA)

YBhg. Dato' Abdul Rahman bin Johor,
Setiausaha Bahagian Kanan (Tanah, Ukur dan Geospatial)
Kementerian Tenaga dan Sumber Asli (KeTSA)

YBrs. Sr Wan Mohamad Darani bin Ab. Rahman
Timbalan Ketua Pengarah Ukur dan Pemetaan I
Jabatan Ukur dan Pemetaan Malaysia (JUPEM)

YBrs. Tuan Azman bin Mamat
Timbalan Ketua Pengarah,
Sektor Kemajuan Pengurusan dan Perundangan (SKPP)
Jabatan Ketua Pengarah Tanah & Galian

YBrs. Encik Hazrey bin Tomyang
Setiausaha Bahagian (Ukur dan Pemetaan)
Kementerian Tenaga dan Sumber Asli (KeTSA)

YBrs. Puan Lina binti Rahmat
Setiausaha Bahagian (Tanah)
Kementerian Tenaga dan Sumber Asli (KeTSA)

Sesi lawatan ini dimulai dengan sesi bergambar bersama pihak Pengurusan INSTUN dan menandatangani buku pelawat. Seterusnya, YBhg. Dato' KSU telah dibawa ke bilik persidangan bagi sesi taklimat INSTUN. Taklimat ini telah disampaikan oleh Encik Khairin Nazry bin Karim, Pengarah INSTUN.

Sejajar dengan lawatan kerja rasmi YBhg. Dato' KSU ke INSTUN, beliau dan para delegasi turut mengadakan lawatan ke tapak pembinaan projek Balai Cerap INSTUN bagi meninjau keadaan projek yang kini dalam fasa pembinaan. YBhg. Dato' KSU telah diberikan taklimat ringkas berhubung projek oleh Jurutera JKR Daerah Muallim, Ir Yussaime bin Ahmad Yusuf.

Usai lawatan di tapak pembinaan projek Balai Cerap, YBhg. Dato' KSU KeTSA dan para delegasi telah meluangkan masa bagi meninjau kursus BUP yang sedang berlangsung iaitu Kursus Pengukuran Strata: Prosedur Kerja Bilangan I di Pusat Kecemerlangan Ukur Kadaster (PKUK).





